



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Grundtlicher warhafftiger Bericht inn drey vnd dreissig
Conclusiones verfaßt/ Wie das die vermeinten
Euangelischen Predicanten/ nit allein von der letsten/
sonder auch von der Ersten Römischen vnnd ...**

Haidlauff, Sebastian

Gedruckt zů Jngolstatt

VD16 H 852

XXV. Die Bildtnussen Christi des Herrn vnnd der lieben Heyligen/ seindt
auch in der ersten Römischen vnnd Apostolischen Kirchen/ im brauch
gewesen vnd gehalten worden.

urn:nbn:de:hbz:466:1-36929

Die dritt Erinnerung.

Für das drit/hast du dich Catholischer Christ
hie wider züerinnern/ das dem nicht also ist / wie
die Predicanten fälschlich dir fürgeben/gleichsam
lehren sie / wie man in primitiua Ecclesia gelehrt
hat. Denn wann dem also wär/so müsten sie auch
das yenig / so man den abgelebten nach thüt / nit
für vergebliche ding aufschreyen wie die Zano
brecher.

Die vierdt Erinnerung.

Für das vierdt/ Erinnerung dich Catholischer
Christ / das du mit Gottes hilff / in der Kirchen
bist/in wölcher man helt vnnnd lehit / wie man in
der ersten Kirchen gehalten vnd gelehrt hat. Dañ
wie man in primitiua Ecclesia für die abgestorbenen
gebetten / allmüssen geben vnd Seelmessen gehal
ten/also helt man noch in vnser Catholischen Kir
chen. Wöllest dich derowegen von der Kirchen nit
absündern / damit du nicht nach der Predicanten
selbs eigen vrtheil/ein todt Glid werdest der Kir
chen Christi.

Ein Proposition von den Bildenüssen **XXV.**
Christi vnnnd der Heyligen.

Die Bildenüssen Christi des Herrn vnd der lieben Hey
ligen / seinde auch in der ersten Römischen vnnnd
Apostolischen Kirchen im brauch ge
wesen vnd gehalten worden.

R Dife

Ein Concluston / von den Bildnussen

Eusebius.

Diese Proposition beweist vns erstlich der
H. Bapst vnd Martyrer Eusebius der 30.
Römisch Bischoff / wölcher dem Crucifix
vnd Creütz Christi zu ehren / ein besonder fest hat
eingesetzt / vnd dasselbig creütz Christi erfundung
genennt / da hört ein Christ offenbar / dz die Bild-
nussen Christi vnd der Heyligen auch in der ersten
Röm. kirchen gehalten seind worden. Iha mit sol-
chen ehren / das man ihne auch eigne fest / wie ge-
melt / hat angestellt. Desgleichen beweist vns vn-
ser Proposition / das gantz Concilium Nicenum
Bildstürmer ist gehalten vñ versamlet worden /
in wölchem auch beschlossen / das die Bildnussen
relatiuè sollen geehret werden / das ist / nicht ihrent
halben soll man das heüblin vor in abziehen / oder
sich naigen vor inen / sonder derhalben / wölche sie
bedeüten / Eben dise vnser Proposition beweist
vns auch das achtet allgemain Concilium zu
Constantinopel gehalten / in wöllichem auch be-
schlossen worden / man soll die Bildnussen der-
uatiuè ehren. Dise drey zeügnussen beweysen gnüg-
sam / das die Bildnussen Christi vñ der lieben hey-
ligen / auch in der ersten kirchen seindt im brauch
gewesen / ja geehrt worden / doch mit vnder-
schid wie man dan noch in vnser Römischen / allgem-
nen kirchen helt vñ lehrt. Was thät aber Doctores
Schmidler? Er kan halt die Bildnussen mit ley-
den / ja nennets Idola Götzen / so doch das achtet
vorgemelt

Concilii Ni-
coeni.

Die Bild-
nussen seind
relatiuè oder
deriuatiuè
zuehren.

Octaua syno-
dis uniuersa-
lis Can. 3.

vorgemelt allgemain Concilium solches verbeit/
hat sich derhalben ein Catholischer abermals et
licher ding züerinnern.

Die erste Erinnerung.

Für das erst/hastu dich hie züerinnern Christli
cher Leser / das im disem stuck / des Christlichen
Glaubens der Schmidle / sich von der ersten Rö
mischen Kirchen hat abgesündert / vnnnd müß
demnach / nach seinen aigen worten / ein verstor
ben / abgeschnitten glied der wahren Kirchen Chri
sti bleiben / so lang vnnnd so vil biß das er sich wi
der zü vns begibt / vñ die verflüchten jrathumben
verläßt.

Die ander Erinnerung.

Für das ander / hastu dich Christlicher Leser
züerinnern / das die Predicanten aber irem brauch
nach liegen / in dem sie allenthalben schreyen vnnnd
schreiben / sie lehren vñ haltē / wie man in der ersten
Christlichen Kirchen gelehrt vñ gehalten hab. Den
weñ dem also wär / so müste sie auch die armē Bild
nussen nit dermassen stürmen vñ kriegen. O wie ge
waltige Helden vnd kriegsleüt das sein / die dano
noch stein vñ holz dürssen angreifen vnd kriegen.

Die dritt Erinnerung.

Für das dritt / Erinnerung dich Christlicher Leser /
das du noch in der ersten Christlichen Kirchen bist /
R ij dann

Die erst Conclufion / von der Geiftlichen
dann wie man in der ersten Chriftlichen Kirchen
Bildnuffen hat gehabt / also hat mans noch in
vnfer allgemeinen Kirchen / wend dich der vrfan-
chen von vns nicht ab / damit du nicht nach des
Schmidels worten / ein verstorben / abgefchnit-
ten Glid werdest der Kirchen Christi /c.

XXVI. Zwo Propositiones von der Geiftlichen
Glübdot der Keüfchait vñ Juncckfrawschafft

Die erst.

Der Geiftlichen Coelibat vnd Ehelos leben / ist auch in
der ersten Chriftlichen Kirchen gehalten vnd
gelehrt worden / vnd kan demnach
kein Teüffels lehr sein.

Das der Coelibat auch in der ersten Chriftli-
chen Kirchen sey gehalten worden / bedarf
gar keines beweysens / den meniglich bewust wie
es ye vnd allweg in der Chriftlichen Kirchen ge-
standen. Christus hat kein Weib gehabt / noch ge-
nommen / so hörich wol / ist solches / des vermeint-
ten Canzlers zu Tübingen manung nach / des
Teüffels gebot vnd lehr nachkommen? Wer will
aber ein solliche Blasphemien auff den Son Got-
tes dichten. Die Apostel haben auch nit alle wei-
ber gehabt / wie das der Schmidle auch nicht kan
laugnen / ja die gleich auß inen weiber gehabt / ha-
ben sie sich doch dermassen von den weibern ent-
halten / das auch etliche Christen gemaint / man
solle